



## Ислом Нури

Бисмиллахи рохмани рохийи

Бизларни икки дунёда бахту-саодатга етказувчи ислом динига муваффақ айлаган Аллох Таолога хамду-санолар, ушбу диннинг даъватига таклиф этилиб ва бу вазифани муваффақият билан адо этган Пайгамбаримиз хазрати Мухаммад, оилалари, саҳобалари хамда уларга яхшиликда эргашганларга дуру-салавотлар бўлсин!

**Эй азиз, биродарим огоҳ бўлгинки!** Бу борлик хаммаси – ўзида мавжуд, каттаю-кичик нарсалар билан биргаликда – Аллох Таолога тамоман юзланиб, унга тасбеҳ айтиб, уни улуглаб ва унга сажда килади. Аллох Таоло айтади: **«Етти осмон, Ер ва улардаги бор жонзот (Аллохни) поклар. Мавжуд бўлган барча нарса (Аллохга) хамду сано айтиш билан У Зотни поклар. Лекин сизлар уларнинг тасбеҳларини англамайсизлар»** (ал-Исро: 44). Албатта, Аллох Таоло яратган барча нарса ўзларининг устларидаги У Буюк Зотнинг фазлини эътироф этиб, Унинг олдида ўзларини хокисор тутиб – ёлбориб, бош эгиб турадилар.

Лекин бу борликда – бу борликка нисбатан – жуда хам кичик, жуда хам хакир, бир томчи оби манийдан яратилган – кейин эса, яратувчига душманга айланган – бир майда жонзот мавжудки, гўё у ўз хошишича бир йўл тутуб кетмокда, бутун борлик эса, бошка бир йўлда бормокда. Биз айтаётганимиз у жонзот Аллох Азза ва Жаллага осий бўлган **ИНСОНДИР!** Аллоху Акбар! У инсон, нега бунча ахмоклик, нега бунча мутакаббирлак киларкин?! Аллоху Акбар! У инсон, ушбу интизомлик борликда жуда хам хакир, жуда хам майда бир махлук(яралмиш нарса) бўла туриб, нега бунча гурурланаркин?! У ўзини бу борликда арзимас бир кичик нарса эканлигини нима учун ўйлаб кўрмас экан?!



## Ислом Нури

Унга жуда кўп марта: “Тавба килгин!”, — дейилди, тавба килмади. Ва “Бу нотўгри йўлингдан кайтиб, Аллох Таоло томонга бурилгин!”, — дейилди, бурилмади. Яна унга: “Хожанг (яъни Роббинг) билан ўз ўртангни ислох этгин!”, (яъни, Унга ибодат килиб, яхши алокада бўлгин) — дейилди. У эса, кибр килиб, Аллохнинг йўлидан юз ўгириб кочди ва ўзининг нотўгри йўлида давом этди.

**Азиз дўстим менга кулок сол!** Бу дунёга алданиб, Аллох Таолога гунох килмогингдан аввал, сен: бу дунё хакида - унинг хакир бир нарса эканлиги, унинг фойдаси оз, зарари кўп ва унга ошно бўлаётганларнинг пасткашлиги хамда у тез фурсатда инкирозга юз тутишлиги хакида яхшилаб ўйлаб кўр! Дунё ахллари ва унга кўнгил боғлаганлар унинг атрофида халок бўлиб ётганларини бир тафаккур килиб кўрсангчи! Дунё уларга анвойи азоблар бериб, ўзининг аччик шаробини тоттириб, кам шод килди хамда кўп ва узок вақт йиглатди.

Яна, сен гунох килишдан аввал охират хакида хам ўйлаб кўрсанг бўларди. Билиб кўйки: “У тугамайдиган, хакикий қарор топиладиган охиروғи манзилдир”. Ана у ерда фақат икки манзил - ЖАННАТ ва ДЎЗАХ бор, холос.

Энди сен бу икки манзил хакида бир фикр юрит!

Аввало дўзах хакида:

Дўзахнинг алангаланиб ёнишини, чуқурлигию хароратининг каттиклиги ва дўзахиларга жуда хам огир азоблар берилишини хамда у ерга махкум этилганларни судраб, юзтубан дўзахга улоктирилишларини ва у ерда бамисоли ўтин ёндирилишларини яхшилаб ўйлаб кўрмогинг керак!



## Ислом Нури

Кейин жаннат хакида:

Аллох Таоло у ерда, жаннат ахлига кўз кўрмаган, кулок эшитмаган, одамзоднинг кўнглига келмаган ноzi-неъматлар хозирлаб кўйганлиги ва кўзни кувонтирадиган, кўнгилга фарах бахш этадиган хар хил суратдаги либослар хамда таърифига инсон ожизлик киладиган анвойи лаззатлар мавжудлиги хакида дурустрок фикрламогинг даркор! Бу нарсалар хакида факат махрум – хайриятдан бенасиб кишигина бепарво бўлиши мумкин.

**Энди, азиз дўстим!** Бу дунёда канча яшашингни бир ўйлаб кўр! Олтмиш йил... саксон йил... юз йил... минг йил... кейинчи? Кейин, ўлим! Сўнгра эса, ноzi-неъматлик, битмас туганмас жаннат, ёки алам берувчи азоблик, битмас туганмас дўзах! Аллохим Ўзи дўзахдан панох берсин! Сен гунох ишларга кўл уришдан аввал мана шулар хакида яхширок ўйлаб олгин!

Хурматли биродарим! Юкорида айтган сўзларимиздан ўлим мукаррарлиги, унда заррача шубха йўклигини билдик. Демак, сендан аввал бошкаларни жонини олган ўлим фариштаси, сенинг жонингни хам олишга Аллох Таолодан фармон кутиб турганлиги асло инкор этиб бўлмайдиган хакикатдир. Буни асло унута кўрма! Мумкин бир неча йиллар, мумкин ойлар, мумкин кунлар, балки, бир неча лахзалар ўтиб, бу дунёни тарк этиб, кабрингда танхо ётарсан. Ўша пайтда, сен билан бирга на молу-дунёинг, на бола-чаканг ва на ёру-дўстларинг бирга бўлишади. У ерда сенга яхшидир, ёмондир факатгина амалларинг хамхонадир. Сен энди, гунох иш килишдан аввал, кабр хакида, унинг коронгу зулмати, танглиги, унда ёлгиз колишнинг дахшати ва унинг каттик кишиши хакида яхширок фикр юргизмогинг керак!



## Ислом Нури

Бир ўйлаб кўр! Ўлим ундан кейин кабр, шу билан иш тамом, ҳамма нарса поёнига етдими? Асло! Энди, юкорида айтиб ўтганимиз икки манзил (жаннат ёки дўзах)нинг бирига тушишдан аввал, Аллох Таоло хузирида, бу дунёда килинган амалларга хисоб-китоб бериш яъни, аввалийн-охирийн – ҳамма жам бўладиган КИЁМАТ КУНИ бордир. У кунда калблар шу даражада кўркувга тушадикки, киши фарзандлари, ота-онаси, умр йўлдоши ва ога-иниларидан воз кечади. У кунда бу дунёда килинган амалларни хисоблаш учун адолат тарозилари ўрнатилади. Хаммага бу дунёда амалга оширган яхши-ёмон амаллари битиклик “номайиаъмоллар” берилади. Эслайсанми: канча-канча хатоликлар, канча-канча гуноҳ амаллар килганингни? У амаллар хаммаси – каттаю-кичиги – ўша номайиаъмолларга, биронтаси тушириб колдирилмай, битиб кўйилган бўлади. Сен энди, ўша куни Хакикий Подшоҳ – Аллох Таоло хузирида хеч нарсага кодир бўла олмайдиган холатда туришингни ўйлаб кўр! Унда, сени У Буюк Зот чакирган пайтда хузуридан кочиб кета олмайсан. Каттаю-кичик ҳамма амалларинг биронтаси тушириб колдирилмасдан ёзиб кўйилган номайиаъмолингни кўлингга ушлаган холингда У Буюк Зот хузурида хеч нарса кила олмасдан бош эгиб туришга мажбурсан. Ўша куни Аллох Таоло сендан: “Эй бандам! Умрингни, ёшлигингни ва молу-дунёйингни нималарга сарфладинг? Дунёда борингда нима ишлар килдинг ўзи?”, “Эй бандам! Сени Мен назорат килиб туришимни эътиборга олмадинг, Мен сенга инъому-эхсонлар килсам, сен Менга журму-исёнлар килдинг-а!?” — деган чогида кандай жавоб берасан. Мана шу саволларнинг жавобини тайёрлаб кўйдингми?

**Азиз дўстим!** Охиратдаги буюк галаба – дўзахдан кутилиб, жаннатга эришмок учун, мана шу тез ўтувчи, оз кунларда сабр билан, Аллох Таолога тоъат-ибодат килиб, гуноҳ ишлардан саклансанг бўлмайдингми?!



## Ислом Нури

**Кадрли биродарим!** Энди сенинг фикрикни баъзи бир нодон шахсларга каратмоқчиман. Улар ўзларини нима учун яратилганликларини билмайдилар. Билки уларнинг фикрича, улар бирон бир мақсадсиз яратилиб, шундай ташлаб қўйилганмишларки, хоҳлаганларича – ўйин-кулги, маийшатбозлик билан хаётларини ўтказмоқни хоҳлайдилар. Уларнинг кўзларини гумрохлик пардаси коплагани боис хидоят йўлини кўришдан махрум, кулоқларига залолат тўсик бўлгани сабабли, хидоят тароналарини тинглашдан бенасибдирлар. Уларнинг суҳбатларида куръон тиловати ва Аллохнинг зикридан бошқа хамма нарса топилади. Улар Аллохнинг бандалари, Унинг назоратида бўла туруб, У Буюк Зотдан кочмоқчи бўладилар. Аллох Таоло уларни чакирса, Унинг нидосига кулок солиш ўрнига, Шайтоннинг нидоси ва нафс истаклари томон бурилиб кетмоқдалар. Субханаллох! уларнинг килмишларидан ажабланасан киши... Кандай килиб Рахмон Таолонинг нидосини тарк этиб, малъун Шайтоннинг чакиригига лаббай деб, итоат этишаркин?! Уларнинг акиллари борми ўзи?! **«Зеро, кўзлар кўр бўлмас, балки кўкраклардаги кўнгиллар кўр бўлур».** (Хаж: 46) Аллох Таоло уларга нима ёмонлик килди? Нима учун Унга итоат килиш ўрнига, журму-исён киладилар? Аллох Таоло уларни яратиб, ризки-рўз бериб, тан-жонларини соғ килиб ушбу ерни уларга маскан килиб бергани У Зотнинг уларга ёмонлигимми?! У Зотнинг Халимлиги, Каримлиги уларни бепарво килиб, гурурлантириб қўйдими?! Улар гуноҳ ишларга муккаларидан кетиб туришган бир пайтда, кўккидан Аллох Таолонинг азоби келиб колишидан кўркмайдиларми?! **«Улар Аллохнинг “макри”дан хотиржам бўлиб колдиларми? Бас, Аллохнинг “макри”дан факат зиён кўргувчи кавмгина хотиржам бўлур».** (Аъроф: 99)

**Хурматли биродар!** Бундаин, нима учун яратилганини билмайдиган нодон кимсалардан бўлиб колишдан саклан ва улардан йироклаш! Сен



## Ислом Нури

нима учун яратилинганигни билиб, шунга кўра амал кил! Аллох Таоло номига онт ичиб айтаманки: “сен жуда буюк иш учун яратилгансан”.

Аллох Таоло айтади: **«Мен жин ва инсни факат Ўзимга ибодат килишлари учунгина яратдим»** (Ваз-зориёти: 56) Мана шу оятнинг мазмуни, сен нима учун яратилганигни баён қилиб беради. Бунда Аллох Таоло жин ва инсон тоифасини, яратишдан максоди факат Унинг Ўзигагина ибодат қилиш эканини баён қилаётир. Тирикликдан асл мақсад ибодатдир  
Ибодатсиз ўтган умринг қабохатдир

**Эй биродар!** Эй Аллохга журму-исён қилмоқчи бўлган инсон!  
Парвардигоринг томонга қайт, дўзахдан ва унинг алангали, дахшатли оловидан қўрк! Олдингда икки манзил:

— Битмас туганмас азоб билан тўла дўзах.

— Ёки бўлмаса, битмас туганмас нози-неъматларга тўла жаннат турибди. Дўзахдан йироқ бўлиб жаннатга дохил бўлсанг марра сеники. Мана шу буюк галабага эришмоқ сенинг асосий мақсадинг бўлсин!

Ягона Маъбуд - Аллох Таолога онт ичиб айтаманки, бу ўйин-кулгилар, бу куй-қўшиқлар, бу кино, сериаллар, бу паст ишлар ва бу бемани китоб-журналларнинг бирортаси сенга фойда бермайди. Бу нарсалар у ёқда турсин, хатто сенга оиланг ҳам, авлодларинг ҳам, ога-ини, ёру-дўстларинг ҳам, молу-дунёинг ҳам бирортаси сенга асло фойда келтира олмайди. Сенга у ерда фойда берадиган нарса факат, қилган чиройлик солих амалларингдир.



## Ислом Нури

**Эй азиз дўстим!** Худо ҳаққи, мен ушбу насихатларимни сенга, фақатгина, киёмат кунида бу нуроний оппок юзлар нурсизланиб-корайиб куйишлигидан ва ушбу кўркам жасад жаханнамга ўтин бўлмогидан ҳавф қилганим боис сўзламоқдаман. Ўзингни дўзахдан қутилтириш учун шошил ва нафсингга ҳозирданок, чинакам тавба қилганингни эълон қил! Аллоҳ Таоло сени хайриятга Ўзи муваффақ айласин! Билиб қўй! Менинг насихатларимни қабул қилсанг эртанги – киёмат куни пушаймон бўлмай, бу насихатларни қабул қилиб, амал қилганинг учун – инша-Аллоҳ – кўп хурсанд бўласан. Ушбу насихатларга амал қилишдан асло тараддудланма, амал қилишни кечиктирма, Худо ҳаққи мен сенга яхшилиқни хоҳловчи, холис насихатгўйман!

Вассалому алайкум ва раматуллоҳ ва барокатух.

Иброҳийм ал-Ғомидийнинг **“Севиқли биродарим тўхта!”** номли китобидан танлаб олинган бир мақолага баъзи ўзгартиришлар киритиб, эркин таржима қилинди.

Таржимон: Абу Муҳаммад